




陳石閭詩卷二十二

題枯木寒鴉圖



明 張

寒泉凝木葉脫夜氣清天地澗亂雅歸來  
空枝似若鳴紛紛念爾無家依老樹驚魂衝破長  
空雲東山有松狀如蓋高柯開葉生天籟歛息凝  
神足隱藏胡為全身露于外

歲暮雜詩八首

歲莫曾冰堅百川不揚波長風縱浩意利涉終蹉  
跎胡雛自吹笳榜人自吳歌同心而異聲垂涕望

閩河

金鍼度弱縷可以縫衣裳季女有所懷忽繡鴛與  
鴛山龍具采飾黼黻有奇章五日不成文十日難  
下堂

二女同月生語咲漸可喜孰知歲云暮齊化為嬰  
鬼衰年意氣索行將俟吾止詎能守其成情深不  
自己

淺水不容刀羊腸不容憶強使致長途欲近翻成  
遠改轍易前踪悔復亦已晚童牯未知愁行行不

顧反

天道本率真胡為亂以假寸心由目迷南人不夢  
馬異物炫當前黃金傲天下盛年廢功名深谷樹  
其墳

維日躔之枵脊井氣猶熱不潔亦可食伏陽有餘  
烈質潛神未虧脉脉守窮節路人傷濁源相看鼓  
喉舌

東風扇融和歲時已漸改想見玉山梅煖耀生光  
彩蜀南恒少日金方不受海同懷異血脉蒼茫問

真寧

七絃置我懷宮商各成音一彈霰雪零悲風為之  
吟歌聲裂金石玉壺結凌陰緩急紛繁奏君子有  
初心

哭馬相如

清和風日暖去歲薦君行冗累羈人事秋冬見客  
情宦途多梗恐鬼物忘才名一夢桐鄉杏淹留送  
此生

母氏門閭清晨昏望子歸但求金彥馬爰得老萊

衣風木黃泉恨甘肥白首違旅魂識故路早已滂  
庭闈

衰殘定交契投分已三年談笑出流品文章在我  
先苦心惟自識大命不能延世少真知者人琴絕  
可憐

綴學如絲縷憑君續古香孤踪托幻境天意薄文  
場朋友歌蒿里形骸滯異方眼前相識盡慟哭拊  
黃腸

立春雜感

索居數計甘辛味，倥偬經過五十年。山雪瀟漫淮  
臘盡，江梅消息到春先。固知文豹能真隱，不信驪  
龍省熟眠。暮齒忽驚新節換，上元孤月對愁圓。  
翔雲江雪凍，將消舉首扶桑赤。日標歷國可憐，蘓  
季子高門誰似漢。嫖姚風中鼓氣騰，天馬鞬上垂  
頭老。鳧鵝人事有如隄畔柳，春心先到最長條。  
復載扁舟，應五湖故人磨滅。旅情孤水，空橫笛聽  
鳴槽。冷雨擔簷看浴鳧，白髮屢添拋。未得良時一  
失計，難圖天街取醉。近年少強臥，佳人舊酒壚。

春風搖颺，細無聲。淋氣融光入眼清。忽憶宗臣大  
司馬，昔推高士武昌城。三年玉笛吹烟雨，一帶牙  
樯惹杜蘅。回首獨傷全勝地，空聞鶴鶴夜深鳴。  
暮途惟剩弟兄親，地濶天高各異身。迢遞東巴連  
大漠，陰森朔氣度初春。孤踪已辨分張苦，五斗難  
酬老去貧。昨日平安來遠報，封丞未啟淚沾巾。

壽介上人

古地曰滇，在南之阿。惟漢五世中，通于華。驢理既  
遠人咸撲，其家山川特懋。大同大和一解，爰有高

士脫離塵俗曰歸釋氏祖于蘭谷乃授法命名上  
湛下福其面如月身如木心若竹應南朔東西于  
上京始托足二解師能作楷如王如鍾師能作篆  
如雷如風游藝方外性豁志雄三解朋友匱矣我  
則周之肝腸有別我則羞之文不畔道俠不蓄讎  
人以此多師固以此優游外則無求四解今時丙  
寅春王二十有九計年五十僧臘差後或弟或友  
相與為壽祝願黃耆經傳永久且覺世援手五解

### 春寒

漸覺三春晝暄妍尚不還疾風吹朔氣一夜到燕  
山手自寒灰撥心於熱境間元神三沐浴差可離  
人寰

### 題無名氏古畫

松柏九九巖壑幽仙山更敞雲中樓磴道下臨千  
丈雪或乘款段或擎舟墨氣淋漓筆鋒走想見風  
雲生肘後高士從來隱姓名當年斷自何人手

### 六竹谿移居贈詩一首

七年京雒屢遷居行李空餘四庫書自公陳蕃堪

下榻孰知景氏罷題輿南天春色江湖滿北紀風  
塵故舊跡賴有東林能護庇蕭齋因得接匡廬

題王石谷畫

山人卜築無人鄉長松十丈秋風涼有時箕踞在  
磐石翠微遠映縣泉白當年作畫意有餘元神充  
俯凌清虛豐隆變態龍奮翼水仙鼓氣鸞迴車王  
石谷死已久筆墨詎諧今不朽潁水箕山眉睫間  
一為巢由滌氛垢

題杜文貞新祠

南池爽塏地更建杜陵祠精氣扶新棟容光擁故  
基寸心天宇白三峽月明知使者推前烈高風見  
一時

先生遺蹟在百代幸相親風雨還初夢文章得古  
神吾宗原自魯公念心歸秦故國形骸阻蹉跎送  
此身

送卞若谷回淮南

凱風驅時雨送君千里道征帆搖白沙初日下軟  
艸人生無新故遇合在兩好况本母氏宗於戚

為中表煌煌京雒居  
混混龍蛇擾燕石  
與璵璠孰為君子寶  
眾中得雋英相逢恨不早  
周旋未經年瞻雲慕歸鳥  
溫清久闕違形影在懷抱  
左右挈妻兒扁舟自茲宵  
幽人常苦貧志士多傷老  
蘭茝發高香兩露天然飽  
良馬組素絲終來望庭燎  
執手與君期終俟春之杪

立秋日病愈

衰年常抱疾當暑更牽纏  
一夕金轂落涼生病漸  
痊結風催月曉新露滴花  
圓倚杖看雲變秋心萬

里縣

復病

闌暑因秋殺清颼接面涼  
病魔終不遣人事頗難  
量造化為師友遺骸託混茫  
鼠肝與蟲臂忽忽兩相忘

秋仲雜詩十首

秋風吹我夢夢入無人鄉  
天高不可問四野莽蒼蒼  
孤內為窟宅木葉為冠裳  
覆冒固無數可化寧有常



日夕下牛羊高雲變濃陰游龍欲吐艷蕙艸無佳  
音昨宵見白月暉映東山岑山河不易色故人改  
初心

新息實餘勇捷鞍何矍鑠羣誇在當前功名亦索  
莫名乃實之賓榮為辱所託咄哉魯仲連一咲千

金卻

悠悠可滄海鬱鬱生珊瑚陽剛秉至妙辛苦色不  
渝二離遞推遷照耀根與株鐵網一朝拔會見中  
心枯

別時哉生魄期晤在初圓思君如日月輪轉忽經  
年南國出雙金曠日懷貞堅美人故憇約悵望蓬

萊山

金蚋不可驅點我玻璃屏屏風失故光白黑獨分  
明落日下芳草亮亮猶未寧丹唇含萬變誰能測  
其情

瞻彼長河水支分本同源派遠跡踈濶各自相纏  
綿檻虎享太牢甘肥盡一餐灰心託微命寧不懷  
空山

枯桑不知春木槿不應律  
順逆隨所遭前路有如  
漆涼風割人肌羸者先受疾  
努力競虛名何當跬  
步失

射山蔽朝陽其中有曠士  
采采琅玕實果腹逐鹿  
豕毛女當窗牖盧胡發  
皓筍枯楊恥生梯妖淫亦  
云已

膏車邁枉道遊子欲何之  
秋陽伏草莽行行多路  
歧烈風飄逆旅惡夢因之  
隨投人常苦拙胡不早  
旋歸

丙寅中秋是日終風

衰謝驚秋早透迤歆半時  
風威行處滿月御故來  
遲濁酒塵絲遠殘骸老病  
支天香不不到遙憶菊  
花期

一息

暝色暗廣宇寒燈初閉門  
砌蝨驚寐坐風葉蕩精  
魂未測浮沉理空看日月  
奔綿綿抱吾道一息若  
常存

荒塚

荒塚何年置重重白骨繁古苔生斤鹵陰雨泣孤  
魂狐搨高原土蟲穿老樹根天涯牢落客愁見國  
西門

石榴

荒園種石榴丹華耀奇光有色迷人目而無幽谷  
香枝卑葉復弱未足接鳳皇根柢之涓滴未足棲  
鴛鴦永日麗朱明惟南方盛強州木無他心長養  
賴真陽結實志如日抱子盈中腸可以佐蘋蘩可  
以供壺觴采采置篚筐根本漸相忘願隨明月景  
流光入君堂美君垂汎愛食子棄其囊

數息

高齋悲木葉衰鬢益生霜芳草怨湘水繁華冷洛  
陽良時以落莫造物曾講張數息觀真我形神兩  
漸忘

夢見美人

日躔大火風威動淒惻呼彌枕邊重一陽一陰相  
蕩摩陽為精氣陰為夢翠旂朱羽遠近翻豐隆擊  
鼓聲齶齶霓裳化作羅浮蝶天花迸落黃金錢仙  
駕蹁躚翳鳳凰美人未至先有光浣紗溪畔重回  
首姑射山頭空斷腸依稀似覺當年識出不言辭  
入不息喔喔絳幘催曉寒獨擁衾裯淚沾臆

龍澹岩枉顧

龍馬皆為用誰知天地心潛鱗空煥動伏櫪苦沉  
吟抱病常如此初秋直至今故人遠枉駕多謝注  
存深

寄橘州弟

殷勤問消息不見一行書萬里身猶寄三年病未  
除兒轉應長進宦况近何如自失墮麓和誰憐老  
索居

秋風吹白髮  
縷縷若絲飛  
望眼無朝夕  
去鄉多是  
非飢寒各在抱  
兄弟故相違  
巴蜀雲天外  
清宵魂  
夢歸

玉鈎行

瑩瑩白玉鈎  
云自漢時有  
殉死逾千年  
碧血陰侵  
受覽之有餘  
色摩之不染  
手塞盡南山  
穴獲利在  
身後寶物難  
久藏終為他  
人取所以楊  
王孫裸葬  
期速朽

朱抱光問疾屈為款曲以詩謝簡

狺狺黃耳吠  
茅茨有客登  
門約午時藤  
杖強扶足  
若棘秋風一  
中鬢成絲  
荒園步履高  
城遠冷銜  
炊烟半蒜遲  
好我故人頻  
問訊暮途羸  
骨幾年支

陳石閭詩卷二十三

水深淺行

水深不可測我有千丈繩水淺澈底清寒裳可以  
行水深魚鼈游水淺波濤休淺深自取適于人無  
所求水深多陷窞水淺多泥濘冬溫而夏寒水自  
有真性

夜深

赤驥無停轡蕭條秋欲終長空盛陰氣一雨變淒  
風髮短頻添白燈殘不肯紅平生憔悴事思動夜

深中

勞勞歌

勞勞悲日短用心何太遠王孫裸葬矯當時向子  
拂衣不顧返達人避世如避讎一簞一瓢能忘憂  
今日不樂明日白頭擊壺而歌霜飛月流紫駟之  
馬狐白裘金銀鑄鞞珊瑚鞞朝遊漢水暮蒞幽百  
年快意豈能滿吹臺梓澤成荒丘天黃地白風颭  
颭

登陶然亭有懷橘州弟

龍鍾曉起畏霜寒強就空高且縱觀一望東川何  
太苦三年別淚不知乾雲山勢隔招魂迴荆棘叢  
深覓路難今日誰人問衰病白頭獨對菊花殘

野燒行

地軸裂天光開歎山欲野燒蒿萊祝融張弩仰天  
射赤龍掉尾從空來前有長蛇後猛虎磨牙吐舌  
無今古陰祕害人莫知惡盈上動天之怒女夷  
助順風威扇一呼一吸爭耐戰無俾遺育毒茲方  
以殺止殺天心善

白州

衰艸茫茫白清霜暗暗涼天恩非不永時勢苦難  
量幽夢辭青瑣遊魂落大荒王孫歸未得秋色老  
絲韉

孔雀行

孔雀西南來五色炫人目毛羽自矜奇云為鳳之  
族鳳以竹實食鳳以梧桐宿勿訝見者稀貴不輕  
托足孔雀產瘴鄉孔雀意梁肉文彩縱橫飛習性  
耽鴆毒

代古

美人當窗織似聞嘆息教曉日照羅袂珠箔搖風  
箏愁心對機杼亂絲難理成青鳥塌羽翼誰通王  
母情我有好織線夜成態繡段藻黼爛生輝鴛鴦  
結為片一寄夜郎城再寄流沙岬漫滅不成文道  
遠心能見

平生好琴瑟琴瑟性專一五音齊克諧悠悠鳴我  
室要眇懷仙吟聊以消永日一息入真虛天心指  
中出逸響變宮商遐思動幽室金夫無定懷好女



終受嫉結念高能堅何須怨媒拙成連運神明倏  
忽波濤疾

大風拔古樹樹倒枝葉乾托根未堅固覆巢無一  
完桃梅原異體接續自相連狡兔營三窟首鼠持  
兩端宥石匿趙歧田文托馮驩立名與施惠媚嫉  
多後言驥騰千里足何期行路難良圖托微命積  
漸生憂患

驅虛與蛩蛩有力能負趨美草不自負常藉他人  
餘利彼復利以狼狽兩相需如何營一身至清恐  
無徒朝發雲夢澤暮宿青州湖樓船衝巨浪逆濺  
蒼龍珠極意縱遊汎但驚年歲沮安知逢下士惻  
惻悲窮途

明月流素彩曜靈照朱顏昔為玉盤粒今作甯門  
蘭尚口徒多窮秉心亦久寒幽獨在衷曲形景互  
周旋脊有鷓冠士贈我弓與矢鷓鴣杏秋天張弛  
向誰是金鏃蝕鈇鋒敦弓失象弭利器不佩身日  
暮空彼倚

遠山散重陰飄風驅雨足搖搖揚素襟淒淒動衰

木北里誰家兒琴歌奏華屋故絃無急響旋以朱  
絲續白日不留光光盡繼以燭今日宴樂佳長夜  
苦其促測水涸長繩登山先履蠶涉應味根源幽  
夏亂心曲

結我縵胡纓著我短浣衣百年若晷露安事常難  
棲行登太華峰高標與天齊拄劍看雲變低頭傷  
路歧瀉水入滄海不爲灑與淄縱數至長林不辨  
鹿與麋壯士多細心但畏人我欺夷門謝知己一  
死復何疑

孤禽自南來托體息寒柯有如百丈松糾纏附女  
蘿疾風振虛谷高處艱危多轉枝無定翼念子之  
無家狐狸解人語日暮鳴且歌野性自來受敲音  
豈能和簧口易鼓楠寧不動頤邪離羣思故物延  
頸獨長嗟

肩負五嶽圖悠悠適百越去家無一善道遠相識  
絕獨行苦調飢隨山采薇蕨栖栖經瘴癘忽忽忘  
歲月鄉土不相同文身異喉舌齊門操錦瑟三年  
望宮闕男兒意氣索久困身名減不怨術數疎但

恨初心拙

幽并勇健兒少小學馳射金勒挽絲韁烏號載鳴  
鏑枯艸白茫茫涼風殺淅淅豺狼戲我前虎豹擾  
我側控弦左右發連矢貫雙單湮鬱下幃死何似  
恣陵轢丈夫有本心恥為常人役四海縱難容回  
身謝巾幗

嚴霜殺衰艸餓鳥號空林天時漸感發苦至無佳  
音愁懷憐永夜憶寒覆重衾傾耳動虛聽憂來難  
自任昔與美人約言甘情漸深亮無膠漆固而生

金石心鷓鴣感春鳴蜻蛉向秋吟易軌各守節較  
若商與參

落日下長河長河深且寬餘彩漾金沙淒風生白  
草不見所親人但覩孤飛鳥引領望八荒棲託向  
誰好出亦不解愁入亦不解愁琅玕產異域遠隔  
崑崙丘靡靡遵河道飄飄蕩刃舟行行不顧返汎  
汎天水滿

得三子終

丙寅重九後又得一男兒月滿團圓瓦膏塗細膩

肌衰殘相逼早嗣息息生遲縱有騰矚日應無見  
汝時

西山南瀑

三疊懸珠箔崖峰映水紋日搖生刃影風落溼晴  
雲真宰神明盡清機造化分悠悠天地籟常使夜  
深聞

冬杪

衰草畏冬寒霜風敢怒天無分秦與越一道白如  
烟極盛難為後良時不予全離披從委棄心死故

根連

鸞鳥篇

鸞鳥具神性孤飛自南隅彩色悅人目遂為網罟  
拘何以垂兩翅毛羽未能舒何以俯長頸中懷思  
故墟何以寐無響雌雄不獲俱金樊空外飾珍羞  
自有餘誰云天路遠寸心抱區區願見明鏡影  
清得交孚三年賜久斷一奮指激軀

李眉山歸盤却寄

一覽盤山勝先登舞劍臺嚴風如快割黃葉亂飛

來地暖龍蛇蟄天寒燕雀哀孤絃無響應臨眺屢  
徘徊

殘菊

清秋無幾日籬菊漸凋殘蝴蝶化為夢孤踪孰與  
歡露珠垂鬢白霜月過庭寒不必傷遲暮西山楓  
亦丹

歌一首

數罟打魚取不留餘密羅張鳥網不遺小天高水  
深可飛可沉胡事纏綿恩在怨先北入于胡南走

裁我馬既瘠我力竭况復衣裳禪淒風日日寒

孤石

磐石天然造陰陽向背分靜中觀萬竅深處隱真  
紋細雨開生而層苔受墮雲冥頑蘄避地不意出  
人羣

孤桐行

大慧不自謀明眸不自見孤桐生由池榭蔭安能  
編春抽夏敷榮持身谷嘉眷子峙之引援歲晏生  
輕賤風雨高下馳摧折心不移寶瑟噤青鳥玉軼

飛雲螭仙人中焦尾流眄生光曦壽命有修短良  
材欣見知微軀既委託寧戀故時枝

閒居

萬籟淒殺滿三椽  
蔀屋低過閒能墮志真靜或閒  
迷出戶瞻風色崦嵫又日西  
飢鳥寒不動故故向  
人啼

曳杖步擔楹未暉漸減明暮雲多慘色思鳥作離  
聲去往常為客沉淪畢一生偶然歸故室未有不  
闕情

堅冰行

淒淒前夜雨霏霏昨日雪北風下海人陰閉層冰  
結浮雲滯不流天柱凍應折其始由履霜其堅至  
積鐵萬事重發端艱虞敗輕屑祈寒自內凝色羞  
生望缺各斤一朝泮體裂心難熱

冬日野望

青郊未幾變蒿萊瞻眺頻添客子哀  
寂寞蒼山惟鳥過繡紵黃葉逼人來  
百年傀儡過歲衰  
十月光陰見死灰  
白髮相依却竹杖冷風斜日對金臺

寒日

寒日澹無色涼風故作聲  
淒淒驚萬物變慘慘背人  
明芳樹傷時態梅花見古情  
萬端咸有識祇欲滂  
陽生

冬月

天心有起伏白月怯冬寒  
清影自無賴繁華久告  
殘晴傷魂鬼冷難挽歲時闌  
好待暄妍際春光借  
一看

寄楊已軍

石城消息問雲天十載睽携望接聯  
長路關情人去後大江流水客愁邊  
每從佳節開懷處却憶殘冬送別筵  
勿訝年來依故土燕山風景遜當年

疾風行

疾風吹嘯暗八極行子覲而不相識  
朔氣推移鳥獸形鴻鑪鼓動蛟龍宅  
此時萬類咸苦寒山鬼亦怯衣裳禪  
當軒默對心鼻酸回天之力何其難

大雪行

八方颯發凌澌結昨日濃陰今日雪  
蛺蝶遙從墮

樹飛玉龍乍向陰山脫方圭圓壁壓罽廬大麥小  
麥爭來春聖人御世先以仁天地雖廣為陶鈞

贈德致齋

十月天風暖初逢解豸冠平生惜文采不欲致泥  
蟠驥病權竒失鷹愁搏擊難幽栖拚世棄豈意辱  
交歡

第以高門貴人今濟世來朱旗迎日舉驄馬帶霜  
回老氣傾多士慮懷重薄才知若抱冰雪貽贈玉  
山梅

狐白裘行

攻玉必以石濯錦必以真物情各有用賤為貴所  
需丈夫處世先立志懷珠乞食豈天意淮陰置塚  
容萬家季子貪書無二致支離其形能養身殘骸  
不及尋常人犂牛翫骸難搏鼠蜚蟻吹噓可致雲  
朗璞蒙垢不復吐輝之兒無賴不辱馬醫表裏會  
反覆繁英踏作泥新履胡為置冠上昨日鉗奴今  
為將澤雉垂頭常在箴安能更望形神王咸陽城  
北甲第張路人不敢傍女牆大男逞豪富一日屠



千羊中馬縱游衍車馬填康莊小男好歌舞美人  
羅列各成行去天僅尺五韋杜何敢當市頭過客  
鬻敢繫身上增寒圖腹餒狗盜之技誠可羞知君  
多藏狐白裘

寄王蘭谷

敦弓既持鶻矢具仰空一發隨雲去良材配合每  
苦難皇天却忌常相聚萍水定交十二年八年征  
雁隔雲天梅花散作江南雪玉笛吹殘塞外烟長  
缺歸來時已暮四歲相逢僅二度乞食金城沒薊  
門咫尺邈而不可還驄馬使者自東歸感君遠意  
達心知三伏暴酒若甘露數幅青藤出剡溪昨宵  
陰氣橫窗牖滕六飛花英二吼澌杯拂素走霜毫  
似有神靈助吾手飲君酒寄我懷故人垂白何當  
乖孤桐無絃竹無孔牙曠對之空徘徊東風不聞  
消息來披衣悵望令人哀

太山行

登高必致顛任重常多喪與者或有因受者不自  
量大樂非一音大和非一心衆鳥託微命言歸窠

箐林溝水日趨遠東流不顧返海若縱容留太山  
增一丘

丙寅十二月二十五日立春

殘年猶未盡已至立春期默默東皇令欣欣衆物  
私玉梅天外影衰柳目前枝誰謂嚴冬苦循環亦  
有時

祈寒浸朽骨日日避蕭齋老馬無長步羈人絕好  
懷蛇蠍思起蟄風雪亂空階毒螫經時早天心自  
不諧

歲暮叩缶歌六章

日往月來歲將盡寒凝冰結風淒緊少婦不胭而  
不粉禪衣抱膝兼忍飢郎君讀書將何為

丈夫有志在游衍凌虛御風冷然善歲云暮矣霜  
雪飛妻兒倚閭望君歸君不來予當待誰

金城千門次第開金城遊人雜沓來羽林孤兒騎  
瘦馬三日不食伏櫪下馬遲馬蹶不忍打

雕鞍玉轡誰家子羔裘弱鷩向街市足踏春陽意  
氣橫路人相逢不敢抬拂情逆性致汝死

北邙松柏鳴紛紛多年老狐化作人  
灶萊薜荔為衣屨鴻鈞鼓氣陽光滿  
山鬼伎倆有時短天時既殘人事闌  
弊裘被體生微寒幼兒弱女擎  
枵盤魯酒大肉相與歡今日不知來  
日難

陳石閭詩卷二十四

捫蝨行



烈風颼颼天雨土日色迷蒙正當午  
長安布衣甘賤貧獨掩衡門守環堵  
十年仍著故時冠衣又穿空囊不完  
殘絲敗絮多外露蟣蝨蠕動藏其間  
繩床斜置在東壁捫蝨兀坐如冥頑  
焦明却咲彌天翼寸軀不貴滄溟寬  
染絲刻木在初化器成色定何能翻  
君不聞捫蝨王猛早無祿八公山頭  
鬼夜哭

除夕

五陵亘古數豪華  
鴛瓦銅梁足自誇  
殘雪乍飛梅  
萬亂春風不正柳  
條斜輝煌影動  
三更燭較轆轤  
傳七寶車許史當  
年稱勝槩天長地  
久辨龍蛇  
乞食蕭條坐復春  
燈殘酒薄正相親  
暮途觸遇多  
生感除夕清貧始  
見真碧落星河催  
換歲金城鼓  
角故使人回頭五  
十二年事綵勝辛  
盤重愴神

丁卯初度

秉彝無愚智莫不記  
生年滿百古所希  
何以完其  
天松子生赤羽王  
母藥青鸞曠世慕  
高舉誰能接  
令顏會有盈觴酒  
痛飲真如仙  
倚短順遷化寧論  
壽命延

春雪

春意滿平原春分  
雪又繁窮陰凝地  
軸朔氣漲天  
門恍惚桃花夢悲  
涼蛺蝶魂無邊芳  
艸思行色慘  
王孫

癸亥行

羊裘弊垢不可澣  
昔日稱身今較短  
裁縫作苦然

縷幸敗時頗易成時難一二之日天氣寒手足皸  
痲皮肉乾披裘最畏當風走燠煖不及新裝綿千  
羊雖遜一狐腋念之在心何忍釋吳中澗布製作  
囊重重裏紮仍深歲相物推新非本意患難十年  
曾屨衣他日兒孫或一開始識先人辛苦來

自磨石口至麻峪渡

石門通一線十里覓源頭迤滑緣雲落波翻覺岍  
流羣峰天外轉赤日鏡中浮鼓動蛟龍蟄春風鬪  
不休

九條澗

北山多險澗一望九條分遠水籠嵐氣空天墜溼  
雲花飛迷虎窟鳥影亂人羣隱隱聞清磬遙遙下  
夕曛

宿農家

四面絕喧譁天全隱遯家桃花爭咲靨春艸欲萌  
芽小迳穿雲入閑門向日斜丈人肩荷鋤留客暮  
餐霞

登天太山望齊山諸勝

遊目開東北喬山隱碧蕊佛門西域始古刹北朝  
餘龍象爭歧寢幢旛若卷舒金仙耽逸興亦降野  
人居

雙泉寺

山風塵不動吹面若柔絲沙軟流金細峯高見日  
遲淩泉洩地脉飲水荷天慈偶爾貪蕊寐和南閭  
總持

靜得寺

杖策探初地山空愛獨行野雲連瀑捲花雨扣鍾  
輕寺有闍人像功多覺血成刑餘無限恨因果乞  
來生

十景山

地接長河險山留杲日暉得無靈鷲外忽有一峰  
飛象教開金色浮圖柱翠微胡僧出定後供養羸  
肩肥

自大峪還十府村

大峪初開麓長河欲接天黃流欺白日高鳥冒空  
烟柳愛春懷早人存夜氣先步蕊歸虎落獨抱月

光眠

經故居

迢遞入山村相逢揖舊隣  
此間原我室未死屬他人  
老樹穿雲冷層苔過雨新  
惟餘岵岵畔月猶若故時親

宿西山山寺

空谷人聲絕探幽宿法門  
野狐翻火碧山鬼敲燈昏  
響激渾河水光搖古月痕  
明晨登磴道藤杖挿雲根

望戒臺

隱現峰巒古微茫上刹開  
諸天二十四聽法蓮花臺  
身世皈金粟乾坤亦草萊  
檀那經此地心折半成灰

上法海寺寺在蟠龍山頂

虎跡流沙在羊腸細路通  
人依雲影去心在月華中  
林響驚棲鳥鍾聲隱梵宮  
諸峯最高處微見佛燈紅

伐木篇

伐木入山山漸深南有葛藟北有林斧斤為用匪  
旦夕山精木怪皆沉吟大者為梁小為桷三師糾  
墨大匠斲長短方圓悉在人復日無期但云剝金  
碧作飾爭鮮新舞鸞蟠螭藻繡文陟險懸空撐赤  
日鈎心抱角留青雲五色被體光華映物情積漸  
迷真性何如樸樹在空山秋露春陽得其心

見刺船者

入水披龍鱗登山履虎尾愚者放利行不計生與  
死昨日走潞陽道逢貧家子徬俸顏色枯刺船河  
之塗辛苦盡朝昏但乞升合米大兒善謳歌彈箏  
侍朱邸小兒短後衣少壯三角觥日獲錦纏頭初  
心亦知恥濯足與濯纓學泚慎其始甘念守窮約  
食力不食技

蛾眉行

陽光燭幽隱春風媚春天美人行採桑提筐入東  
園綦縞作服飾蘭芷為珠鈿一步香塵生再顧遊  
絲牽行者但逡巡流目何周旋好色有真性蛾眉  
天下憐



求仙行

萍實可療飢異物不易求  
芟荷可為衣蕭颯驚深  
秋裏我青精飯被我喫  
羊裘發端自東麓恣意  
命遊前路曠且逖烈風  
振宗丘猿鳥啼空林虎  
豹居上頭但聞鍾磬音  
不見雲中樓山人避塵  
濁去空夷猶

紹古辭

捷足思長驅健翮厲清響  
時至逞雄圖附麗青雲  
上雲鄉杏難攀修途邈  
以廣春秋代旋幹嘉會  
遞

消長委棄勿重陳零落歸土壤

是物迭先容求雉必以媒  
女子寄他姓注念有深  
懷宵夜藉餘光晨朝登  
漸臺鴛鴦會比翼鵲驚  
生嫌猜當熊亦偶然孰  
知成禍胎為虜幽鞠域  
艷色良可哀

較珠不易得鸞鏡哀音長  
謀生輕離別誰不希稻  
梁東西尋馳騫日月曠  
相望一區久未營素標  
已飛揚芙蓉廢秋露過  
期何能強鬼伯咲招手  
松楸

鬱蒼蒼

一身將逝邁散髮行且歌願從葛由去去上綏山  
阿叟風衣霓羽飲露啖瑶華真陽照幽暗枯朽生  
佳葩寶瑟待冰絲敲音自中和携我同心人高躡  
太清家

自滋多誕辭恚人無溫容形貌本非一設心何雷  
同月明春艸白日下桃花紅黃鳥鳴樹顛沐留閭  
其中桑戶去已久嗟來孰為從

高柳已抽條春風下金井長繩十丈牽汲水水不  
靜塵鞅脅中懷意氣安能逞素髮如飛蓬孤踪類

桃梗日暮鳥聲悲天淡人烟冷明月照恹恹搖曳  
心中影

羅敷陌上柔麗人恥艷妝素質揚雌霓覩者如堵  
墻却梁氣有別托體生殊方所標非鷲好歛息深  
潛藏匏瓜不可食杳杳限河梁豈徒爭燕婉弄姿  
于蘭房

在昔遊大梁徘徊城東門萋萋生碧艸中藏烈士  
兔天馬逞絕足萬里如星奔筋力漸凋喪壯心空  
爾存受知當及早過時復何言再拜奮長劍報恩

期九原

良時不可佳處難屢遭陽津到姑洗花木爭新  
條出門臨衢路仰見東山高松石競盤鬱雲水自  
逍遙遊子本無意山靈時見招去者不顧返人怨  
歸來晚

其雨怨朝暉美人罷膏沐流黃明月滿照見孤衾  
宿豐隆昔為媒宓妃不相屬二女凌風翔交甫佩  
雙玉結納在心知感深情必篤寢修雖物化無滋  
行露辱

終風送土兩日夕天亦陰熒熒失群鳥依依念歸  
林居者掩圭竇行子或悲吟飢寒在身前求人多  
哀音交態順時趨寧論淺與深仰首喟清昊誰能  
明此心

旅人無佳境蘭膏終夕孤恍惚見微光蕩漾青珊  
瑚滿月白如霧高樹驚棲鳥遠舉覓梁糲歸來還  
哺雛小大營一飽此外何所圖

九疑河欽岑欽岑自太古上有隱淪士屏息色如  
土輕風吹鬢絲行雲逆窻戶朝飲吸清泉夕食蒸

橡茅豕肩匪不甘醴酒豈不與擾攘辟畫間用心  
良自苦

契船求失劍逆坂走彈丸雖無機械心行之誠為  
難君子無二致聖人執兩端拂逆憚民性躍髮亦  
衝冠履霜冰漸結見者皆心寒木死體必僵忡死  
根猶連

農家有好女年可十三四西隣弱子求納絲無新  
致龍鍾截為簪絕勝金鳳翎澗布裁為衣不以織  
羅袂郎君無他心父母常相視阿嬌貯金屋恃寵

驕夫婿一旦隔長門天涯不可至  
伯夷勵清行西山為餓殍顏子稱大賢屢空復早  
夭夸譽不崇朝憔悴可終老得喪兩歎然自合天  
之道不見路上童身名同腐草

大水羨雉化牛山紛涕流在世未違節安用長生  
謀靈境出寰宇三山與十洲仙者名籍存誰能與  
之遊鹿死不擇音狐死必首丘物反見真性懸解  
即忘憂

家簪稱饒裕土木興未央東山既有室西山復肯

堂南門開藥圃北里樹蘭房車馬催趨走嬉游常  
恐後十載罹憂患漸為他人有眇小六尺軀方丈  
足永守

背毀莫能防而譽人共喜垂死性不移爰自髫齡  
始江臯生蒞蘭澤中匿地虺入耳暢中懷減否同  
一視榮光所照臨三言便娟子

美人前致辭貽贈雙繡然營營欺白玉昨夜新下  
機物微意篤甚裁縫著裏衣經年不去體歲晏衣  
六緇解持臨大河河廣舟行遲上風輕捉搦下游

生漣漪舊染反其真新故誰能知

艷豔桃李花欣欣向春榮金方忽噫氣氣鼓不留  
英麗色難久居良遇戒持盈物壯漸歸老敢與天  
地爭錐刀競相逐賸味曠生平撫膺長嘆息誰測

幽冥情

麗日有晶光大地有往路丈夫行坦白設心金石  
固豺狼善奔馳十步一回顧虎豹具炳蔚或恐干  
其怒田光年已衰視死甘如飴一朝伏利劍長謝  
他人疑

寂寂三五夜蟾兔光燄澈心蹟入盡無萬有亦銷  
歇天地於此時不知生與滅佳人啟窗牖織手弄  
瑤琴繁絃奏離聲調苦聲嗚咽初怨闌山遙再悲  
知音絕

騎虞伏宿莽應龍潛深淵感物須俟時神變多由  
天發女駕雲車光世爛軒轅幽明兩相通承化貴  
自然居易順取適席鼠復何言

聞角

角聲壯角聲悲二月八月城頭吹敦弓思張劍思

礪莫安不敢忘頽危漢陽老将骨欲朽猶記青春  
好身手紛紛卒伍布魚麗嚴肅軍容開細柳太平  
坐致伊誰力昔日鐵衣今剝蝕枕畔空餘半死心  
歲歲聞之淚沾臆

聞李眉山將移居豐臺却寄

北紀豐臺好維時况暮春風花先造物草木就閑  
人流水機關活看山面目新農家連藥圃應與結  
比鄰

抱道甘貧病幽偏久閉闌境多非我遇天若妒人

閑陋巷嫌車馬高棲倦往還  
龐公心已死合在鹿門山

有待經初伏乘舟競采蓮  
蓮花赤如日光落美人  
邊風葉搖天碧香魂入座  
偏艾荷堪被服浩子共  
周旋

